



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 726. Usque Ad Annum 813

**Fleury, Claude**

**August. Vind. [u.a.], 1760**

**VD18 90117859**

§.17. Alii in Francia Sancti.

---

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

**Sæcul. VIII.** chis trucidatus est, Monasterium annis  
**A. C. 732.** quindecim sine Abbate fuit, & Psalmo-

**Chron. Besa.** dia perpetua cessavit. Monasterium Be-  
**to. I. Spicil.** sanum quoque incursione anni septingen-  
**p. 527.** tesimi trigesimi primi eversum. Ad San-  
 ctum Sejenum prope Noviodunum duo

**Att. SS.** Observandum, quod cuncti hi Martyres  
**Ben. to. 3.** uno mense, & eadem, quam tenebant  
**p. 527.** Barbari, via necati fuerint, unde omnes  
 eodem etiam anno & eadem incursione  
 passi creduntur.

## §. XVII.

*Alii in Francia Sancti.*

**vit. S.** Saraceni a Carolo Martello mense Octo-  
**Pard. to. 3.** bri anno septingentesimo trigesimo  
**p. 578.** secundo prælio devicti in reditu maxi-  
 mam, quocunque deveniebant, cladem  
 ferebant, Christianos, quotquot occurre-  
 bant, trucidantes, Monasteria & loca Sa-  
 cra flammis vastantes. S. Pardulfus seu  
*Pardoux* illa tempestate Abbas erat Ga-  
 racti, oppido Marchiæ Gallicæ princeps;  
 cumque fama prævolans nunciaret, Sa-  
 racenos ad suum quoque Monasterium  
 venturos, dixit Monachis suis: *Filii  
 mei! si ad portam bujus Monasterii vene-  
 rint, date eis, quod bibant, & comedant,  
 quia sine dubio ab itinere fessi admodum  
 erunt.*

erunt, Monachi vehiculum tectum pararunt, & S. Patrem compellere volebant, ut insideret, eum ad loca deserta, ubi sine periculo esset, deducturi; at Vir Sanctus edixit, se, quoad viveret, Monasterio pedem non elaturum. Omnibus deinde Monachis fuga sibi consulentibus, ipse solus animo intrepido remansit. Unicus famulus in latebris se abscondit, ut videret, quid esset eventurum. Is cum explorasset, de longe venire Saracenos, cucurrit ad S. Abbatem dicens: *Pater mi! ne cesses orare, jam appropinquant janua.* Tunc S. Pardulfus in terram se demisit orans in hunc modum: *dissipa, Domine! nationem istam, quæ bellum amat, & probibe, ne hodie januam hujus Monasterii intret.* Illi repente sistunt gradum, & lingua patria diu collocuti, innoxii transeunt. Ceterum S. Pardulfus tam vitæ rigore, quam prodigiis clarus, primus hujus Monasterii Garactensis Abbas, exinde post annos quinque anno septingentesimo trigesimo septimo, die Dominico, sexto Octobris migravit in Cælum. Reliquiæ ejus in Prioratu Arnacano prope Pompedorium Castrum aservantur.

Eodem anno septingentesimo trigesimo secundo reportata de Saracenis victoria redux Carolus Martellus S. Eucherium Episcopum Aurelianensem in exi-

E 3

lium

Sæcul. VIII.  
A. C. 732.

Sæcul. VIII.  
A. C. 732.

lium misisse creditur. S. Eucherius in ipsa Civitate Aurelianensi natus, Gemetici Monachus fuerat, inde invitus, ut Sarvarico Patruo suo succederet, evocatus. Jam annis sexdecim huic Diœcesi maximo animarum emolumento præerat, omnibus carissimus, cum æmulorum quorundam invidia eum cum omnibus suis propinquis Carolo suspectum reddidit. Hujus rei causa zelus fuisse creditur, quo S. Eucherius obsistebat Carolo, Bona Ecclesiæ usurpanti, eaque sæpe Laicis donanti, ut haberet, unde multorum bellorum, præsertim contra Saracenos, sumptus acciperet. Quidquid vero de eo sit, Carolus Aurelianum divertens Parisios rediturus, Eucherium Episcopum sequi se jussum deinde Coloniam cum omnibus suis cognatis misit. S. Episcopus in prosperis adversisque Gratias Deo agens, Episcoporum, Clericorum, populique animos sibi usque adeo conciliavit, ut eorum facultates, quasi propriæ essent, in sua potestate haberet. Re ad Carolum delata, vereri Princeps cœpit, ne factionem in se concitaret, ideoque Sanctum Episcopum in Regionem Hasbanicæ, quæ hodie Haspengavensium dicitur, clam migrare jussit, additis mandatis, ut eum Dux Robertus custodiret. Verum Eucherius hunc quoque Ducem brevi tempore amicissimum habuit, ejusque

Bona,

Bona, ut lubebat, in pauperes aut in Monachos dispensabat. Ab eodem licentiam obtinuit recipiendi se in Monasterium Sarcingense fundatum a S. Trudone seu S. *Tron*, ante annos ferme triginta quinque defuncto. Ibi S. Eucherius vitam sancte finivit anno exilii sui sexto, Incarnationis septingentesimo trigesimo octavo, vigesimo Februarii, quo Ecclesia ejus memoriam colit.

Sæcul. VIII.  
A. C. 732

*Martyr. R.*  
20. Febr.

§. XVIII.

*Concilium Romanum pro Imaginibus.*

Cum Imperator epistolas Gregorii III. Papæ accipere non fuisset dignatus, ejusque Legatum Georgium Presbyterum pessime habuisset, permotus est Pontifex, ut anno circiter septingentesimo trigesimo secundo Romæ in Ecclesia S. Petri Concilium convocaret. Adfuere Episcopi nonaginta & unus, quorum præcipui erant Antonius Archiepiscopus Gradenfis, & Joannes Ravennas, Presbyteris quoque, Diaconis, Clericis Romanæ Ecclesiæ omnibus, Nobilibus, Consulibus & reliquo populo præsentibus. In eo Concilio decretum, ut quicumque Ecclesiæ Consuetudinem circa Venerationem Sacrarum Imaginum contemneret, quicumque easdem tolleret, destrueret, pro-

*Anast. in  
Greg. III.  
Sup. §. 8. 9.*